

**ЎЗБЕКИСТОН РЕСПУБЛИКАСИ КОРРУПЦИЯГА ҖАРШИ КУРАШИЦА  
АГЕНТЛИГИ**

**«ЎЗБЕКИНВЕСТ» ЭКСПОРТ-ИМПОРТ СУФУРТА КОМПАНИЯСИ  
АКЦИЯДОРЛИК ЖАМИЯТИ ХОДИМЛАРИ УЧУН КОРРУПЦИЯГА ҖАРШИ  
КУРАШИШГА ОИД**

**ЭСЛАТМА**



# 1. КОРРУПЦИЯГА ҚАРШИ КУРАШИШ



## Коррупция бүйрек

**Коррупция** (лотинча “*corrumpere*” “бузилиш, айниш, таназзул”) – ўз мансаб мавқеидан фойдаланиб манфаат күришдир.

Ўзбекистон Республикасининг 2017 йил 3 январда қабул қилинган “Коррупцияга қарши курашиш тұғрисида”ги қонунининг 3-моддаси:

**Коррупция** — шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини күзлаб моддий ёки номоддий наф олиш мақсадида қонунга хилоф равищда фойдаланиши, худди шунингдек бундай нафни қонунга хилоф равищда тақдим этишига айтилади.

### Коррупцияга оид тушунчалар:

**Коррупциявий жиноялар** – бу мансабдор шахс ёки хизматчининг мансаб мавқеидан шахсий ёки бошқа шахсларнинг моддий ва номоддий наф күриши учун ғаразли мақсадларда фойдаланишидан, шунингдек мансабдор шахсларни ушбу мақсадларда ўзига оғдиришдан иборат бўлган жинояллардир.

**Коррупцияга оид хукуқбузарлик** – коррупция аломатларига эга бўлган, содир этилганлиги учун қонун хўжжатларида жавобгарлик назарда тутилган қилмиш.

**Манфаатлар тўқнашуви** – шахсий (бевосита ёки билвосита) манфаатдорлик шахснинг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан фуқароларнинг, ташкилотларнинг, жамиятнинг ёки давлатнинг хукуқлари ва қонуний манфаатлари ўртасида қарама-қаршилик юзага келаётган ёки юзага келиши мумкин бўлган вазият.

**Пора** - яъни мансабдор шахс ёки хизматчи томонидан ўз хизмат мавқеидан ёки ўз ваколатларидан фойдаланган ҳолда содир этиши лозим ёки мумкин бўлган муайян ҳаракатни пора берадиган шахснинг манфаатларини кўзлаб бажариши ёки бажармаслиги эвазига унга бериладиган **моддий қимматликлар** ёхуд мулкий манфаатдорлик.

**Пора олиш** – давлат органи, давлат иштирокидаги ташкилот ёки фуқароларнинг ўзини ўзи бошқариш органи мансабдор шахсининг ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора берадиган шахснинг манфаатларини кўзлаб бажариши ёки бажармаслиги эвазига шахсан ўзи ёки воситачи орқали қонунга хилоф эканлигини била туриб, моддий қимматликлар олиши ёхуд мулкий манфаатдор бўлиши.

**Пора бериш** – давлат органи, давлат иштирокидаги ташкилот ёки фуқароларнинг ўзини ўзи бошқариш органи мансабдор шахсига мазкур мансабдор шахснинг ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора берган шахснинг манфаатларини кўзлаб бажариши ёки бажармаслиги эвазига қонунга хилоф эканлигини била туриб бевосита ёки воситачи орқали моддий қимматликлар бериш ёки уни мулкий манфаатдор этиш.

**Пора олиш-беришда воситачилик қилиш** – пора олиш-беришда воситачилик қилиш, яъни пора олиш ёки бериш хусусидаги келишувга эришишга қаратилган фаолият, шунингдек манфаатдор шахсларнинг топшириғи билан порани бевосита бериш.

## **2. ЭНГ КҮП УЧРАЙДИГАН КОРРУПЦИЯВИЙ ЖИНОЯТЛАР!**

**Ўзлаштириш ёки растрата йўли билан талон-торож қилиш** (ЖКнинг 167-моддаси, масалан, бюджет маблағларини ёки ходимларнинг иш хақларини ўзлаштириш); **Фирибгарлик** (ЖКнинг 168-моддаси, масалан ваколати бўлмаган шахслар томонидан ишга киритиш ваъда қилиниб, эвазига пул талаб қилиниши);

**Нодавлат тижорат ташкилотининг ёки бошқа нодавлат ташкилотининг хизматчисини пора эвазига оғдириб олиш** (ЖКнинг 210-моддаси, масалан, ОАВ журналистига ўзига нисбатан салбий хабар тарқатмаслиги учун пора бериш);

**Хокимият ёки мансаб ваколатини суиистеъмол қилиш** (ЖКнинг 205-моддаси, масалан, давлат органи мансабдор шахси ўз ваколатидан келиб чиқиб, қарор қабул қилиши ёки қабул қилмаслиги оқибатида заарар етказиши);

**Хокимият ёки мансаб ваколати доирасидан четга чиқиш** (ЖКнинг 206-моддаси);

**Мансаб соҳтакорлиги** (ЖКнинг 209-моддаси, масалан, ойлик маоп ведомостини соҳталаштириб бюджет маблағларини ўзлаштириш);

**Пора олиш** (ЖКнинг 210-моддаси);

**Пора бериш** (ЖКнинг 211-моддаси);

**Пора олиш - беришда воситачилик қилиш** (ЖКнинг 212-моддаси);

Давлат органининг, давлат иштирокидаги ташкилотнинг ёки фуқаролар ўзини ўзи бошқариш органининг хизматчисини пора эвазига оғдириб олиш (ЖКнинг 213-моддаси);

Давлат органи, давлат иштирокидаги ташкилот ёки фуқароларнинг ўзини ўзи бошқариш органи хизматчисининг қонунга хилоф равишда моддий қимматликлар олиши ёки мулкий манфаатдор бўлиши (ЖКнинг 214-моддаси).

## **3. КОРРУПЦИЯ ИШТИРОКЧИЛАРИ КИМЛАР?**



Коррупцияга оид ҳуқуқбузарликларнинг кенг тарқалган турларидан бири бу сўзсиз – **пораҳўрилик**dir.

Пораҳўрилик жиноятларида жиноят жараёни иштирокчилари сифатида, бир тарафдан – **пора оловчи**, иккинчи тарафдан эса – **пора берувчи** иштирок этади.

Айрим ҳолларда ушбу жиноий ҳаракатларда **пора олиш-беришда воситачилик қиласидиган шахс** иштирок этиши мумкинлиги назарда тутилади.

Мана шу уч турдаги шахслар коррупцияга оид ҳуқуқбузарликларнинг иштирокчилари бўлиши мумкин.

## **Пора олувчи ким?**

Пора олувчи:

**Мансабдор шахс** – доимий, вақтинча ёки маҳсус ваколат бўйича тайинланадиган ёки сайланадиган, ҳокимият вакили вазифаларини бажарадиган ёхуд давлат органларида, фуқароларнинг ўзини ўзи бошқариш органларида, мулк шаклидан қатъи назар, корхоналарда, муассасаларда, ташкилотларда ташкилий-бошқарув, маъмурий-хўжалик вазифаларини амалга оширадиган ва юридик аҳамиятга эга ҳаракатларни содир этишга ваколат берилган шахс,

худди шунингдек халқаро ташкилотда ёхуд чет давлатнинг қонун чиқарувчи, ижро этувчи, маъмурий ёки суд органида мазкур вазифаларни амалга оширувчи шахс.

**Ҳокимият вакили** – давлатнинг бирон-бир ҳокимият органининг номидан иш кўриб, муайян вазифаларни доимий ёки вақтинча амалга оширувчи ва ўз ваколатлари доирасида кўпчилик ёхуд барча фуқаро ёки мансабдор шахслар учун мажбурий бўлган ҳаракатларни содир этиш ёки фармойишлар бериш хуқуқига эга бўлган шахс.

**Хизматчи** – давлат органида, тижорат, нотижорат ташкилотида меҳнат шартномаси ёки фуқаролик-хўкукий шартнома асосида меҳнат фаолиятини амалга оширувчи, мансабдор шахс аломатларига эга бўлмаган шахс.

## **Пора берувчи ким?**

Мансабдор шахсга ўзи ёки бошқа бир шахсларниг манфаатларини кўзлаб бажариши ёки бажармаслиги эвазига қонунга хилоф эканлигини била туриб бевосита ўзи ёки воситачи орқали моддий қимматликлар берувчи ёки мулкий манфаатдор этувчи ҳар қандай жисмоний шахс – **пора берувчи**dir.

**Жисмоний шахс** – бу 16 ёшга тўлган, ақли расо Ўзбекистон Республикаси фуқароси, чет эл фуқароси ёки фуқаролиги бўлмаган шахсдир.

**Воситачи** – пора олиш ёки бериш хусусидаги келишувга эришишга қаратилган фаолият билан шуғулланган, шунингдек манфаатдор шахсларнинг топшириғи билан порани бевосита берган шахс.

## **Пора предмети:**

Пул;

**Қимматбаҳо совғалар ва моддий нарсалар** (автомобиль, қимматбаҳо соатлар, кўчмас мулк (дўкон, уйлар) кабилардир);

**Моддий қийматга эга бўлган хизматлар** (масалан, таъмиглаш, қурилиш, кредитларни қоплаш, контракт тўловларини тўлаб бериш, ва бошқалар).

## **ДИҚҚАТ!!! Қуидаги коррупцион құлмишлар жиноят хисобланади:**

Ходимлар ёки миңсозлардан моддий қимматликлар олиш ёки мулкий манфаатдор бўлиши;

Ходимлар ёки миңсозлардан моддий қимматликлар олиш ёки улардан мулкий манфаатдор бўлиши мақсадида тамагирлик қилиши, шунингдек сунъий равишда сугуртхизматларни тақчиллигини юзага келтириши;

Кераксиз ва ҳеч қандай заруриятынан сугурта хизматларни қабул қилдириши;

Хужжатларга сохта ёзувлар киритиб, аслида кўрсатилмаган сугурта хизматларни бажарилган деб кўрсатиши;

Компания мол-мулкини талон-тарож қилиши;

Сохта сугурта хужжатларини расмийлаштириши;

Маълум бўлган фактларни яшириши ёки хақиқатда бўлмаган фактларни масдиқлаши.

## **4. КОРРУПЦИЯГА ОИД ҲУҚУҚБУЗАРЛИКЛАР УЧУН ҚАНДАЙ ЖАЗО БЕЛГИЛАНГАН?**

Ўзбекистон Республикасининг амалдаги қонунларига кўра коррупцияга оид ҳуқуқбузарликлар учун қуидаги жазо турларидан бири ёки бир нечтаси содир этилган құлмишнинг енгил ёки оғирлигига қараб тайинланиши мумкин:

жарима;

муайян ҳуқуқдан маҳрум қилиш; мажбурий жамоат ишлари; ахлоқ тузатиш ишлари; озодликни чеклаш; озодликдан маҳрум қилиш;

ҳарбий ёки маҳсус унвондан маҳрум қилиш.

## **5. КОМПАНИЯ ТИЗИМИ ХОДИМИ УЧУН ЭСЛАТМА!**

### **Сизга пора таклиф қилишмоқда, нима қилишингиз керак?**

**Хурматли Компания ходимлари! Ўзингизнинг мартабангизни ва яхши номингизни фойда учун қурбон қилманг!**

**Эсингизда бўлсин, пораҳўрлик - бу қонун билан жазоланадиган жиноятдир!**

### **Агар сизга пора таклиф қилинса-чи?**

Агар сизга пора таклиф қилинса, шу жумладан қатъий ва тақороран, пора олишни рад этинг ва ҳолат тўғрисида Компания раҳбариятига ёки ҳуқуқни муҳофаза қилувчи органлардан бирига хабар беринг (иложи борича кўпроқ маълумотларни эслаб қолинг – пора таклиф қилган шахснинг исми, пора бериш шартлари, миқдори ва бошқалар).

### **Хар бир инсон мустақил қарор қабул қиласи!!!**

## **6. АГАР СИЗ КОРРУПЦИЯ ҲАҚИДА МУРОЖААТ ҚИЛМОҚЧИ БЎЛСАНГИЗ...**

Коррупция ҳолати юзасидан ҳуқуқни муҳофаза қилувчи органларга мурожаат қилишни лозим деб топдингиз, Сизнинг ҳаракатларингиз:

**1-ҚАДАМ:** Ҳуқуқни муҳофаза қилувчи органга ариза билан мурожаат қилиш керак.

Жиноят ҳақида хабар беришда қўйидагиларни кўрсатиб ўтишин- гиз лозим:

- 1) қачон, қаерда ва ким орқали мансабдор шахс пора сифатида пул талаб қилган;
- 2) мансабдор шахснинг пора талаб қилинганлик факти қайси ҳаракатларида ифода этилган;
- 3) пора сифатида нима, қачон ва қайси ишни ҳал қилғанлик учун берилиши;
- 4) навбатдаги учрашув қачон қаерда ва нима мақсадда белгиланганлиги;
- 5) пора қачон, қаерда берилиши.

**Ёзма шаклда мурожаат** қилганда, коррупция ҳолати бўйича ариза билан мурожаат қилган шахснинг Ф.И.Ш. ва манзили кўрсатилади ва имзо қўйилади.

**Оғзаки шаклда мурожаат қилганда, коррупция ҳолати бўйича**

баённома тузилади, унга аризачи ва баённома тузувчи имзо қўяди. Ҳужжатда аризачи ҳақида маълумот, шахсни тасдиқловчи ҳужжатлар кўрсатиб ўтилади.



**2-ҚАДАМ:**

Аризангиз ҳакиқатдан ҳам қабул қилинганлигига ишонч ҳосил қилинг.

Ариза қабул қилингандан сўнг аризачига мурожаат қабул қилинганлиги ҳақида ҳужжат берилади. Бу аризангиз нусхаси ҳам бўлиши мумкин. Ариза қабул қилинганлиги тўғрисидаги ҳажжатда қўйидагилар кўрсатилиши керак:

- 1) аризани қабул қилган ҳуқуқни муҳофаза қилувчи орган ходими ҳақида маълумот;
- 2) унинг имзоси;
- 3) аризанинг рўйхатдан ўтказилганлик рақами;
- 4) қабул қилиш санаси;
- 5) қабул қилған орган номи, манзили ва телефон рақами.

**3-ҚАДАМ:** Аризангиз кўриб чиқилишини назорат қилиш.

Сиз берган аризангизнинг натижаси ва кўрилган чоралар ҳақида маълумот олишга ҳақлисиз.

**4-ҚАДАМ:** Шикоят қилиш.

Агарда, коррупция ҳолати юзасидан берган аризангизни қабул қилинмаса, Сиз юқори турувчи органга шикоят билан мурожаат қилингиз мумкин. Масалан, туман прокуратураси коррупция ҳолати бўйича аризангизни қабул қилмади, вилоят ёки Бош прокуратурага мурожаат қилингиз мумкин.

## **ДИҚҚАТ!!!**

Ёлғон хабар берганлик учун Жиноят кодексининг 237-моддасида; Тұхмат қылғанлик учун Жиноят кодексининг 139-моддасида;

Тұхмат қылғанлик учун Маъмурий жавобгарлик түғрисидаги кодексининг 40-моддасида жавобгарлық белгиланған ҳамда бу ҳаракатлар жавобгарлыкни келтириб чиқаради.

## **ДИҚҚАТ!!! Пора беришга ундаш сифатида талқин қилиниши мүмкін бўлган иборалар:**

“масалани ҳал қилиш қийин, лекин ҳал қилса бўлади”;  
“келишамиз”;  
“энди нима қиласмиз”;  
“раҳматни нонга суртиб бўлмайди”;  
“тўловини ўзимга беринг”;  
“кучлирок аргументлар керак бўлади”;  
“тезроқ ҳал бўлиши учун “йўталишингиз” керак бўлади;  
“навбатингиз ҳали узоқ, лекин...”

## **ДИҚҚАТ!!! Қуйидаги мавзуларда сұхбат олиб бориш пора беришга таклиф деб тушунилиши мүмкін:**

Мансабдор шахс ёки хизматчининг ойлик маоши камлиги, айрим эхтиёжларини қондириши учун пул маблағлари етмаётганлиги;

Бирор-бир мол-мулкни сотиб олиш ёки маълум бир хизматдан фойдаланиш, бирор манзилга туристик саёҳатга бориш нияти борлиги;

Мансабдор шахс ёки хизматчининг қариндошлари ишсиз юрганлиги, улар пулга мухтожлиги;

Фарзандларини таълим муасасасига жойлаштириш зарурати ва ҳоказо.

## **7. ҚАЕРГА МУРОЖААТ ҚИЛИШ КЕРАК?**

Яшаш жойингизга якин жойлашган ҳуқуқни муҳофаза қилувчи органнинг худудий бўлинмаларига оғзаки, ёзма ёки электрон шаклда мурожаат қилиш мумкин:

### **Коррупцияга қарши курашиш агентлиги**

Почта хизмати орқали юбориш (Манзил: Тошкент ш., Яккасарой тумани, Ш. Руставели кўчаси, 8А);

Телефон рақам (71) 202-04-00 (ички рақам 505), Электрон манзил: [www.anticorruption.uz](http://www.anticorruption.uz), el.pochta: [info@anticorruption.uz](mailto:info@anticorruption.uz), [antikor@exat.uz](mailto:antikor@exat.uz).

**ДИҚҚАТ!!!** “E-Anticor.uz” электрон платформаси орқали амалга оширилади.

### **Ўзбекистон Республикаси Бош прокуратураси**

Туман, шаҳар, вилоят прокуратурасига ташриф буюриб; 1007 қисқа рақамли Ишонч телефонига қўнғироқ қилиш

(71) 232-10-07 ёки ижтиомий тармоқлар орқали [prokuratura.uz](http://prokuratura.uz) Почта хизмати орқали юбориш (Манзил: Тошкент ш., Я.Ғуломов кўчаси, 66-уй).

### **Ўзбекистон Республикаси Ички ишлар вазирлиги**

Почта хизмати орқали юбориш (Манзил: Тошкент ш., Ю.Ражабий кўчаси 1-уй индекс 100029);

Худудий бошқарма ва бўлимларига ташриф буюриб, шахсан тақдим этиш; Вазирликнинг 1102 қисқа рақамли Ишонч телефонига қўнғироқ қилиш; Тўғридан-тўғри электрон шаклда мурожаат қолдириш.

### **Ўзбекистон Республикаси Адлия вазирлиги**

Почта хизмати орқали юбориш (Манзил: Тошкент ш. Сайилгоҳ кўчаси 5уй, индекс 100047);

Худудий бошқарма ва бўлимларига ташриф буюриб, шахсан тақдим этиш; Вазирликнинг 1008 қисқа рақамли Ишонч телефонига қўнғироқ қилиш; Тўғридан-тўғри электрон шаклда мурожаат қолдириш.

## **Бош прокуратура хузуридаги Иқтисодий жиноятларга қарши курашиш департаменти**

Почта хизмати орқали юбориш (Манзил: Тошкент ш., Я.Ғуломов кўчаси, 39А-уй);  
Ташриф буюриб, шахсан тақдим этиш;  
71-233-1007 рақамли Ишонч телефонига қўнғироқ қилиш; Тўғридан-тўғри электрон шаклда мурожаат қолдириш.

**ДИҚҚАТ!!! Ушбу ташкилотларга оғзаки, ёзма ёки электрон шаклда мурожаат қилиш мумкин.**

## **«Ўзбекинвест» ЭИСК АЖ Коррупцияга қарши ички назорат ва хавфсизликни таъминлаш департаменти**

Бош менежер А. Абдуллаев  
Тел: (78) 120-03-61 (ички - 103)  
e-mail: antikorrupsiya@uzbekinvest.uz

**“Мазкур әслатма билан түлиқ танишиб чиқдим, коррупцияга йўл қўймайман”.**

(лавозим)

(Ф.И.О.)

(имзо)

*Изоҳ: бўши қолдирилган жойга ушибу эслатма билан таништирилган ходимлар томонидан фамилия, инициаллар ва имзо қўйилган ҳолда тасдиқланади.*